

Universitätsbibliothek Paderborn

**Thomæ A Kempis Canonici Regvlaris Ord. S. Avgvstini De
Imitatione Christi Libri Qvatvor**

Thomas <von Kempen>

Antverpiæ, 1617

Cap. XX. De confeßione propriæ infirmitatis, & huius vitæ miseriis.

[urn:nbn:de:hbz:466:1-45760](#)

C A P. XX.

*De confessione propriæ infirmitatis,
& huius vita miseriis.*

1 **C**ONFITEBOR aduersum me *Ps. 31.*
iniustitiam meam : confitebor
tibi Domine infirmitatem meam. Sæ-
pè parua res est , quæ me deicet &
contristat. Propono me fortiter actu-
rum , sed quum modica tentatio ve-
nerit, magna mihi angustia fit. Valde
villis quandoque res est , vnde grauis
tentatio prouenit. Et dum puto me
aliquantulum tutum, cùm non sentio,
inuenio me nonnumquam pénè deui-
ctum ex leui flatu.

2 Vide ergo Domine humilitatem *Ps. 24.*
meam , & fragilitatem tibi vndique
notam. Misere , & eripe me de lu- *Ps. 68.*
to , vt non infigar , non permaneam
deiectus vsquequaque. Hoc est ,
quod me frequenter reuerberat , &
coram te confundit ; quòd tam la-
bilis sum , & infirmus ad resistendum
passionibus. Et si non omnino ad
confessionem , tamen mihi etiam mo-
lesta & grauis est earum insectatio ,

G 2 & ræ-

& tædet valdè sic quotidie viuere in
lite. Ex hinc nota mihi fit infirmitas
mea: quia multò faciliùs irruunt abo-
minandæ semper phantasie, quām
discedunt.

3 Vtinam fortissime Deus Israel,
zelator animarum fidelium, respicias
serui tui laborem & dolorem, assista-
que illi in omnibus, ad quæcumque
perrexerit. Robora me cælesti forti-
tudine, ne vetus homo, misera caro
spiritui necdum plenè sub acta, præ-
ualeat dominari: aduersus quam cer-
tare oportebit, quamdiu spiratur in
hac vita miserrima. Heu, qualis est
hæc vita, vbi non desunt tribulationes
& miseriæ: vbi plena laqueis & hosti-
bus sunt omnia? Nam vna tribula-
tione seu tentatione recedente, alia ac-
cedit: sed & priore adhuc durante
conflictu, alij plures superueniunt, &
insperatè.

4 Et quomodo potest amari vita,
tantas habens amaritudines, tot subie-
cta calamitatibus & miseriis? Quo-
modo etiam dicitur vita, tot gene-
rans mortes & pestes? Et tamen ama-
tur, & delectari in ea à multis quæ-
ritur.

ritur. Reprehēditur frequenter mun-
dus, quòd fallax sit & vanus, nec ta-
men facile relinquitur, quia concu-
piscentiæ carnis nimis dominantur.
Sed alia trahunt ad amandum, alia ad
contemnendum. Trahunt ad amo-
rem mundi, desiderium carnis, desi-
derium oculorum, & superbia vitæ:
sed pœnæ ac miseriæ iustè sequen-
tes ea, odium mundi pariunt & tæ-
dium.

I Ioā 2.

Sed vincit, proh dolor, delecta-
tio prava mentem mundo deditam, &
esse sub sentibus delicias reputat: quia Iob 30.
Dei suavitatem, & internam virtutis
amœnitatem, nec vidit, nec gustauit.
Qui autem mundum perfectè con-
temnunt, & Deo viuere sub sancta di-
sciplina student, isti diuinam dulce-
dinem veris abrenuntiatoribus pro-
missam, non ignorant, & quam graui-
ter mundus errat, & variè fallitur,
clariùs vident.

G 3

CAP.